

– Գնա՛յ տուն, բախտաւոր, գեղեցիկ Մարօն կբժշկէ քեզ...

Ի. ԱՇԽԱՏԱՆՔ ԵՒ ՀՈՂ

Արեւը նոր սկսեց ծագել:

Հասօն տաղաւարում չէր. տղերքը գնալուց յետոյ ես մենակ մնացի այնտեղ: Ի՞նչ անեմ, ո՞ւր գնամ: Գնամ տուն, հին բարեկամիս տունը, այնտեղ «Մարօն կբժշկէ ինձ»: Չէ՛, չեմ գնայ, Մարօն թող չտեսնէ, որ իմ ամողջութիւնը վատ է, նա փափուկ սիրտ ունի, նա լաց կլինի... Չէ՛, գնամ մի փոքր ման գալու, գուցէ վաղորդեան օդը կը կազդուրէր ինձ:

Առաւօտեան ցօղը դեռ չէր բարձրացել խոտերից, եւ արեգակի ամառի ճառագայթները խաղալով մարգարտեայ կաթիլների հետ, արտափայլում էին ծիածանի գոյներով: Օդը տոգորած փափուկ խոնաւութեամբ, հովացնում էր իմ բորբոքած երեսը: Հեռաւոր լեռները դեռ պատած էին ճերմակ ու թափանցիկ մշուշով:

Իմ թուլացած անդամները բաւականին զոարթացան վաղորդեան հովութիւնից, բայց տակաւին սիրտս խռովութեան մէջ էր: Ես գնում էի լուռ եւ մտախոհ կերպով. ո՞ւր էի գնում, ինքս չէի իմանում, միայն մի բան ինձ քաշում էր հեռու մարդկային բնակութիւնից: Գիշերոայ երազն ամենեւին դուրս չէր գալիս իմ մտքից. նոյն զարհուրելի տեսարանները ներկայացնում էին իմ երեւակայութեան մէջ: Ի՞նչ էր նշանակում այն սարսափելի հեղեղատը: Ի՞նչ էր նշանակում պղտոր ալիքների այնպէս փրփրելով, գոռալով կատաղի հոսանքը, որ տանում էր իր հետ այնքան անբախտ զոհեր, որոնց թւում գտնուում էին եւ այն անձինքը, որոնք այնքան մօտ եւ սիրելի էին իմ սրտին...: Վերջապէս ի՞նչ էր նանակում Սոնայի եւ Մարօի իմ օգնութեանը հասնելը. միթէ՞ նրանց ձեռքումն էր իմ փրկութիւնը, միթէ՞ նրանք կարողացան ազատել ինձ: – Ոչ, մինչեւ նրանց հասնելը ես արդէն ջրի խորքումն էի, այն սառը եւ թաց գերեզմանի մէջ թաղոած...

Միթէ՞ մեր կեանքը մի այսպիսի երազ չէր... միթէ՞ մեզ եւս իր հետ չէր տանում աշխարհային հոսանքը իր կատաղի ալեկոծութեան մէջ...

Ես գնում էի մի հովտի միջով, ուր մշակոած դաշտերը խոստանում էին ամառ հունձք. մի տեղ դեռ նոր էին վարում հողը, մի տեղ ցանում էին, միւս տեղ արածացնում էին ոչխարների հոտերը, մի խօսքով, որ կողմ եւ նայում էի, եփ էր գալիս աշխատութիւն, ամէն ինչ շարժողութեան մէջ էր, ամէն տեղ երեւում էր կեանք եւ գործունեութիւն: Այո՛, «ծոյլ չէ այդ ժողովուրդը...», յիշեցի Կարօյի խօսքերը, եւ մի այդպիսի ժողովուրդը անբա՛խտ է...